



SIUMUT INATSISARTUNI ILAASORTAATITAT

Ulloq 29. februar 2012

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

Nalunaq Gold Mine A/S-imi guld-i qanoq annertutigisoq ukiumut nioqqutissiarineqartarpa?

Guld-i ullumikkut qanoq naleqarpa?

Nalunaq Gold Mine A/S-imi sulisut katillugit qassiuppat? Taakkunannga nunaqavissut qassiuppat?

Nalunaq Gold Mine A/S-imi sulisut akileraarutaanit nunatta karsia qanoq annertutigisumik 2011-mi pissarsiva?

Suliffeqarfik Nalunaq Gold Mine A/S sinneqartoorluni ingerlava?

Nunatta karsia Nalunaq Gold Mine A/S-imiit qanoq annertutigisumik 2011-mi selskabsskat-i aqqutigalugu pissarsissangatinneqarpa?

Sinneqartoorluni ingerlanngippat qaqugu sinneqartoorluni ingerlalernissaa naatsorsuutigineqarpa?

(Inatsisartuni ilaasortaq Karl Lyberth, Siumut)

Tunngavilersuut

Nunatsinni aatsitassarsiorfinni maannakkut ingerlasutuarsuaq qanoq ingerlanersoq soqutigigakku apeqquteqaateqarpunga.

Apeqquteqaatinnut aamma tunngaviuvoq Aatsitassanut Naalackersuisoq Ove Karl Berthelsen Maniitsumi innuttaasunut ataatsimiisitsinermini nalunaarutigimmagu guld-i akisuagaluartoq Nalunaq Gold Mine A/S sinneqartoorluni ingerlanngitsoq.

Taamaammat soorunami paaserusunnarsivoq aatsitassarsiorfik ingerlasutuarsuaq qanorpiq ingerlanersoq.

Kissaatigaara apeqquteqaatikka ullut suliffiusut qulit iluanni akineqareersimanissaat.